

雲南府縣志輯

中國地方志集成

民國中國縣志總
民國總志



中國地方志集成

雲南府縣志輯 ⑧83

民國中甸縣志稿


民國維西縣志

鳳凰出版社 ● 上海書店 ● 巴蜀書社



民國中甸縣志稿

段綬滋
纂修



本書三卷首一卷末一卷，據民國二十
十八年（一九三九）稿本之鈔本影印。

首卷 總綱

纂修大意

中甸社會之神祕與蘊藏之豐富實為全滇百二十餘縣局中所未有若以元微之束宰是邦必誇耀於人曰吾以雪山為城金江為池而坐擁七種民族六種語言四種文字五種宗教之奧區言動物則有體重於象之犛牛形態如獅之狸貓言植物則有角質之烏木結實之牡丹言礦物則金沙遍地銀鑛滿山言異產則有蟲頂之草蟬頂之菌能合動植物為一體焉此不可以不志也但因氣候嚴寒草昧未開是以生產力薄生殖不繁故其貧瘠亦為全滇百二十餘縣局中所未有此更不可不志也

一 中甸向無縣志亦無紀載縣事之書而歷代描卷案冊復因迭遭變亂損失無遺故本志之編纂係詳於空間之橫的記載而鮮有時間之縱的敘述

一 本志分為首卷上卷中卷下卷末卷五編首卷為總綱末卷為雜記如人之有冠履也上卷為自然中卷為政治下卷為社會狀況如人之有身體也

一 本志於社會狀況一編尤為加詳蓋於志乘之外款將邊地特殊情形介紹於國人之意也

一 本志中多方言譯音亦有兼譯意者蓋欲顯其本立之義諦而

免人索摸也

一 本志編纂多憑實際調查除殘缺案卷外皆無言可考也

中甸縣志稿目錄

首卷 總綱

叙文 纂修大意 目錄 沿革 地圖 大事記

上卷 自然

位置 疆界 面積 形勢 氣象 山脉 水系 湖泊

地質 特產 民族種類及人口

中卷 政治

城池 市鎮 官制與經費 職官表附 土司 土司表附

地稅田賦收支表附 團保 常備隊編制表 常備隊經費表附 保甲 區鄉保甲組織表 村寨名稱表附 積谷倉

教育 蠲卹 公債 清丈 稅課 金鑛稅 教育教育概況第一二表附 警察 交通 抗戰

下卷 社會狀況

宗教 甲喇嘛教 子黃教 且紅教 乙佛道混合教

丙回教 丁巫教 寅夷教 卯東跋教

語言文字 一 語言 二 漢回語 三 藏語 四 摩些語

四 保羅語 五 力些語 六 苗語

一 文字 二 藏文 三 摩些文 四 保羅文

風俗 甲婚嫁 乙喪葬 丙祭祀 丁禮樂

生活 戊衣 己食 庚住 辛行

職業 農業 牧工 商 鑛 獵 漁

末卷 雜俎

名勝古蹟 藝文 方外 歌謠 本志纂修始末

沿革

中甸原名達塘居於金沙江懷抱與西康之裏塘已塘接壤在元以前本為吐蕃游牧之地惟至明季確經麗江木氏移民渡江作大規模之屯殖今觀摩些民族分布情形及藏番所築之碉堡營壘遺跡則木氏之勢力實已北連已塘西北越阿敦子而達藏邊足見伏居江曲之達塘地面當歸木氏長期管領焉迨及明末清初藏番勢力膨脹逐漸南徙而木氏日就式微莫能禦之於是摩些屯兵又漸漸退回江邊亦有服藏人之語而強化於藏者藏方遂年派舉嗎側則一人前來管理僧氏征收糧稅嗣因所派人員均視建塘為藏方征服之姦淫暴戾無惡不為僧氏苦之適清廷已征服西藏列為藩封乃遂由各級土目率領僧民款關內附即於雍正二年將建塘收歸版圖改名中甸初移劍川州判分駐於此屬鶴慶府管轄維奉命裁撤州判改升為廳調撥楚雄府同知駐劄中甸屬麗江府民元改縣列為二等屬騰越道尹今直隸於雲南省政府

大事記

漢

為越嵩羌旄牛地

唐

為吐蕃鐵橋節度使地

宋

為吐蕃東封地

南宋理宗淳祐十二年元憲宗命其弟忽必烈征大理國經由縣屬良美鄉用革囊渡金沙江

為唐古特地

元

為麗江木氏土司地 今縣屬小甸鄉尚有木氏屯兵土城

格咱東旺泥西各鄉又有藏人所築抵禦木氏之土碉而西康巴安縣屬之白松脚村全為摩些民族即東旺各處亦仍摩些語音及祭天等類風俗足見中甸全縣地面實被木氏長期佔領也

清初

為西藏屬地 因明清邊疆之際木氏在江外之勢力日就式微藏人復逐漸南徙有大中甸小中甸泥西格咱四境地面年派舉嗎側則一人來甸征收賦稅黃教喇嘛亦即於是時傳入縣境

順治十七年西藏大寶法王因辯訟被逐避居中甸達喇嘛由滇入貢

康熙十六年吳世藩劄中甸以賂藏番請其援助殊不知中甸地

面已久為藏人所佔領也

雍正二年歸版設治移劍川州判分駐中甸

雍正六年築城

雍正十三年州判章文元詳准設學五館於大中甸小中甸江邊

格咱呢西五境

乾隆十三年移劍川協於維西分防中甸節司一員嗣又將節司

撤回維西經管錢糧將永昌協左營守備裁移中甸分爲左

右兩營分隸管轄以右營守備駐劄中甸設把總二員外委

二員額外外委二員馬步戰守兵丁四百二十一名分隸管

轄一語語意不明因係殘缺營業所載無法訂正

乾隆二十一年裁撤州判改調建雄府同知駐劄中甸歸麗江府

管轄

嘉慶五年隨王師出征緬甸

道光十二年裁汰馬戰兵七名

咸豐三年裁汰步戰兵四十名

咸豐四年裁汰守兵四十九名

咸豐六年回匪竄入中甸攻破治城旋規復

同治三年回匪再臨中甸同知劉祖蔭都司劉廷儒退守江邊麗

江府陸曾希都司張潤調維西兵團助剿克之

光緒二年四月額設馬步戰守兵裁七留三

光緒八年設學額 中甸自設治後雖設有學官二員惟舊例僅

有義童二名附入麗江縣學考試是年始設學額歲試進文

武生各二名科試進文生二名並准設棚開考

光緒三十八年奉文辦團

光緒三十二年邊軍管帶張占標叛變由定鄉襲入中甸同知姚

春魁管帶聯益志擊破之將張占標及其叛黨一百餘人緝

解巴安川滇邊務大臣衙門正法

宣統三年十月初二日奉文官紳士庶懸旗下髮反正

民國元年夏數縣回麗至甸甸甸至敦富綏設二等電報局是年

秋雲南都督府出師西征逼出中甸

民國元年秋奉令改廳為縣裁撤綠營改設中維游擊隊分駐中

維

民國七年冬西康定鄉匪首括渣入寇鄉匪括渣率黨五百餘

人突入縣境燒搶米直復竄洛維縣屬僧俗民團截擊於通

怒不克僧團百長六人被擄劫贖去銀二千元翌日中維游

擊隊與麗江團隊夾援因協縣屬僧俗民團攻之匪眾潰退

出境此為鄉匪侵入中甸之始

民國八年夏縣屬米旺八甲匪首隆巴思那隆巴丹珍丹珍七里

等聚集扎那譯音意言純粹之黑賊三百人叛亂中維游擊

隊分隊長成金山陣亡匪黨更聯絡鄉匪一千餘人大舉來

犯中維阿三屬聯合大隊長史華營長楊培修擊潰之

民國九年夏定鄉匪首括渣洛松丹珍沙加登已等二千餘人入

寇中維游擊隊長邢至剛陣亡匪進圍東旺康千取東旺路

銀二萬兩復勒索五境居民每戶賄銀一元而還

民國十年春鄉匪沙加登已甲錯尼嗎等一千餘人入寇攻陷縣

城燒燬縣署破毀電報局取賂銀八千五百元而還是役

陣亡江邊境土千總楊紹嵩一員

是年夏改築縣城舊城在今城之西偏規模狹小自回亂圯毀

後未加修理因是年春間地方被匪燒搶成災蒙雲南省長

公署給卹金四千元縣長虞誠以工代賑改修令城隨將中

甸縣公署移入新城修建於舊守備衙門廢址

是年冬定鄉東旺西股匪徒二千餘人突來圍城軍團奮勇失利

縣長與駐軍官兵退守江邊

民國十一年春定鄉東旺匪徒二千餘人繞道燒搶格露灣援兵

劉指揮與漢到援協同十八團三營將匪徒擊退出境

民國十二年秋維西鎮守副使羅樹昌親臨中甸招撫東旺匪徒

民國十四年出兵寧浪

是年秋九月十二日地震

民國十五年夏定鄉東旺西股匪徒三千餘人連合而來大肆搶

擄五境民房燒燬殆盡

民國二十一年春奉令辦理戶籍

民國二十二年夏奉令辦理積谷修建倉廩

是年秋鄉匪一千餘人入寇陷城大理獨立營長李從善營長楊

秀擊破之

民國二十三年春奉令搶斃土守備楊丹珍以通匪嫌也

民國二十四年春遵令編練常備隊

民國二十五年夏共匪三萬餘人由麗江竄入縣境城陷中夫勒

匪軍第二路軍總司令邵派飛機一架進擊至縣境上空盤

旋偵察三次匪竄入康

民國二十六年春奉令禁烟

是年夏奉令行使法幣禁用白銀

是年秋奉令動員討日抗戰

是年冬奉令清丈縣屬第三區耕地並勸募救國公債

民國二十七年春大雪彌月平地堆積五尺有餘牛羊鹿鹿餓斃

無算

是年夏奉令編查保甲戶口

是年秋復大雪收穫歉

是年冬縣屬第三區沿江教匪稱兵叛亂縣長較緩親督團隊

勦平之生擒僑元帥徐印洪等十餘人解送鶴麗中維華永

邊區保安司令部訊實正法是役殉難吾車鄉第四保保長

和南儀永筆鄉第二保保長黃恩沛臨時派遣宣慰老民賀

從德等三員

民國二十八年春奉令調查全縣壯丁分為甲乙兩級舉行抽籤

聽候征調

是年夏奉令籍沒已斃敵匪偽元帥徐印洪偽大將軍趙其義偽

三將軍張祖昌偽副將軍張祖統季朝忠施應發偽隊長徐

國棟王紹先和紹文教老四劉正清高樹清趙國珍等家屬

並准將殉難保長和尚儀黃恩沛老民賀從德三員入祀忠

烈祠

是年歲兇民饑而不害

上卷 自然

位置

中甸居東經九十九度五十分至東經一百度五十分北緯二十
六度八十五分至北緯二十八度四十分之間在雲南省西北隅
距省城一千四百餘里

疆界

東至西康省鹽源縣之水裏界二百五十里東南至麗江縣屬之
大巨里界二百六十里南至麗江縣屬之石鼓里界二百八十四
里西南至麗江縣屬之巨甸里界二百一十里西至維西縣屬之
其宗界一百三十里西北至西康省得榮縣屬之借地四十里界
二百里北至西康省定鄉縣界二百八十里東北至西康省定鄉
縣界二百四十里

面積

東西橫長約三百八十里南北縱長約五百六十里全縣面積約
計二萬二千餘方里

形勢

縣境居西康高原與雲南高原之間即騎於沙魯里山脉與雲嶺
脈之過岬後加金沙江之夾迫地勢特別隆起成一盾形甚正西
之石壩雪山與東南之哈巴雪山實高出海面五千餘公尺四時
積雪即縣城附近之大小中甸內境平原亦高出海面三千四百

八十公尺

氣象

氣溫最高至六十六度最低十度夏秋多雨多東南風冬春多雪
多西北風雲多霧驟昏霧復因氣壓低而風力勁白衣蒼狗變幻
最速故蟬蝶暈珥華光絕不易見


山脉

沙魯里山脉自金沙江東蜿蜒而來至中甸縣東北界則分為二
幹其左一幹向西南行充塞於東旺河與格咱河之間名舒瑪年
岡春岡里山其右一幹亦向西南而行名周扎克山至格咱河頭
與碧塔海之間周扎克山復分二支其左一支向西南行曰格咱
廠山曰佛屏山曰巴特瑪郭赤山又轉而南曰西山曰右腰雪山
再轉而東南曰攔馬坡曰朝天閣嶺薛端直直至金沙江麓折中
而止其右一支直向南行曰老君山曰安南廠山曰寶興廠山由
寶興廠山向東南行者曰北地山向西南行者曰天生橋山向正
南行者曰天寶山曰雪門坎曰十二攔干山曰哈巴雪山曰新樂
山直至碩多岡河入金沙江處而止此中甸山脉二幹二支之起
伏連延情形也縣城之背山曰立山西山曰印心山曰五鳳山此
又周扎克山之餘脉而佛屏山之間氣所鍾也舊通志所稱五郎
河即安南河攔馬坡即良美後山

水泉源流附

落入地穴

中甸之東南西三面均為金沙江所包圍金沙江源頭既遠在已
顏喀喇山之陽經過青康西省為眾流之所歸及入滇境已覺江
洋澎湃復加入縣屬之東旺河格咱河碩多河及諸山澗間小
溪與麗維兩縣之河故當出境之前即已匯成巨流東旺河即定
鄉之碩楚河自東北流入縣境經過東旺八甲又向西南流出
得榮而歸於金沙江其河之上下流俱在西康惟中流穿過縣境
說者謂東旺八甲僧民之慷慨桀驁性質實風水有以養成之蓋
以居此河畔者多喜為盜寇英格咱河一名順水河其正支發源
於舒瑪年岡春岡里山其公文發源於格咱廠山自東北向西南
流入金沙江碩多岡河一名沖江河又名金龍指南河發源於碩多
岡向南流一百六十里西納阱口河再南流四十里又東納麻原
河折東南流一百二十里復東納聚賢河而東南注入金沙江
南帕湖在立山與佛屏山已特瑪那赤山及西山之間位於縣城
西北因大中甸境即第一區地面為一盆地而南帕湖即為溢底
凡黑龍潭與四山溪流皆歸之幸佛屏山西南山麓有天生落水
洞能將湖水吸入山腹復向湯對吉住兩處吐出而流入金沙江
否則縣城四周方數十里之盆地早已成深淵也碩多岡與碧塔
可稱為沼或泉因兩處均有地下涌水碩多岡泉水南流為碩多
岡河碧塔海泉水分為二岔一岔流入洛吉河一岔流出未遠即



地質

全縣岩石均為粗而塊狀之大成岩可斷之為火山岩其土均為砂土因中甸處處皆有金礦在高山者多含於石英礦脈間俗謂之馬牙金其狀如塊如粒而在溪澗中者多雜於砂礫俗謂之砂金石英為花崗石之主要成分而花崗石即大成岩是以全縣岩石均為大成岩中之火山岩而土質又皆為砂與粘土混合而成含砂最多當水不易其砂亦多為石英之碎粒顯係岩石分解後被水沖積遂成砂礫

特產

蟬菌 蟬菌亦名蟬花或稱冠蟬因蟬蛹自一化蛻皮後即頭向上而欲出土乃為菌類細胞所侵襲寄生於其頭頂蟬蛹遂僵臥而不能動以整個身軀供蟬菌之營養及蟬蛹之精華既盡則蟬菌已完全成熟惟此種菌類似為有性繁殖必須雌器卵細胞受精而成孢子始能發芽生長故雖同在一地同時一化蛻皮之蟬蛹亦多數不受菌類細胞之侵襲仍能出土上樹二化蛻皮而成蟬否則蟬已絕種而本草中既無蟬蛻之劑詩詞中亦無蟬鳴之聲矣蟬菌形為傘狀色黃微帶碧綠性滋補能明目產於屬第三區攔馬坡之山陰山陽兩面山麓松栗間

考蟬之幼蟲在土中時專食草根尤喜食玉蜀黍即已谷之根每二年發生一次蟲體粗大如指色白其碩大者長三寸許頭有紅毛狀甚厭惡土人呼為死王生蟲之年凡第三區沿江一帶之已谷大受其害農家謂之蟲年其田地寬餘者凡值蟲年故將耕地荒蕪以避之幸間年始生一次因蟬交尾產卵後至次年始生幼蟲幼蟲蛻皮成蛹後至再次年始蛻皮成蟬故蟬為間年生物蟬之幼蟲亦為間年生物若以一蟬之系統而言則蟬菌亦間年生物也

蟲草 蟲草亦可稱為蟲菌其蟲完全如蠶惟眼大而色黑宛如蜻蜓之複眼自胸至尾有足六對環節蠕動生於縣高二四五區高山淺土中每當春雪初融則幼蟲即在土中蠕動至立夏後氣候稍溫蟲已長成漸欲出土即被菌類細胞侵襲而寄生於其頭頂蟲乃不食不動聽此菌之榮長迨夏至前後則蟲之精華已盡其形雖存而其原質已經變化頂上之菌亦經成熟菌長一寸五分左右體為褐色線狀菌絲之尖端如囊狀內有棉質纖維藏無數菌類細胞於其中以備繁殖惟此種菌類似為無性繁殖故凡此類之蟲未有不生菌者因菌形似草莖而又生於蟲之頭端故普通稱為蟲草其實應稱為蟲菌蓋蟲頂所生之物實為菌類而非草類也當蟲未生菌時其色雪白如蠶及菌既成熟後則蟲又外黃而中白質極脆性補益又凡入山採蟲草者因嫌其草纖

細而短不易識別恒將蟲草數莖用油迄熟嚼於口中併而嚥之則見草端搖顫不已因而極之即得蟲草此又不可思議之神秘物理也

獅子貓 獅子貓亦名獅貓體高一尺有奇毛長尾大聲宏狀甚雄偉喜捕鼠性好眠一四區藏人喜飼之亦異產也

紅嘴鴉 紅嘴鴉嘴圓而紅脚細而黃體態較為鴉略小毛色如黛鳴聲如雀惟尋常絕不喜鳴噪胆怯性馴喜結果於寺廟廳廊之厦角牆頭亦有取而飼之以為玩弄品者相傳昔有此鳥旬緬甸國淪於英後始鼓翼飛入中國直至中旬因其在祖國時恒受緬寺僧侶之飼養故常依人而不畏懼豈見中旬之宗教色彩濃厚易覓食歟亦無怪可歸之亡國鳥也

烏木 烏木產三堤鄉華平滑而稍長實圓如豆木材色黑質堅無年輪土人多削為箸據生物學家研究烏木係熱帶地產物今又產於海拔萬尺以上之三堤鄉亦特產也

牡丹 牡丹為中國之特產而結實牡丹又為中旬之特產其實為夾角形近世生物學家凡遊歷中旬者皆爭先採集而去但以蠻荒絕域之物產植之中原沃壤不知能育苗否也

民族種類及人口

中旬漢族有陝籍贛籍湘廣籍川籍滇籍諸種其一部份係為綠營弁兵之苗裔所繁衍其餘則為貿易開墾游藝而來多居於第三區之金沙江邊次則縣城兩次則第四區之上橋頭生性和易疏懶無冒險性共有二千二百零四戶男女一萬二千零一十五口

回族居於第三區三堤鄉及縣城生性刻苦果敢共有五十二戶男女三百零三口


藏族住居最久散布於第一二四區生性強悍尚武頑固守舊共有一千八百三十二戶男女八千二百五十二口

摩些族俗稱為本地人住居最久散布於第三區之三堤鄉及良美吾車木筆各鄉生性懦弱體力單薄其在良美吾車木筆三鄉者漸與漢族同化惟三堤鄉固如故共有一千六百二十四戶男女八千二百五十九口

力些族散居於第三區因第三區良美鄉一帶係居於石曼山也陰山深林密虎豹為害乃於乾隆年間由土番匪人向維西縣高瀾滄江邊招來唐姓獵戶一家其後遂繁衍於沿江一帶高山生性粗鄙共有四百五十一戶男女二千零二十二口

獐獍族自永寧益源各縣遷移而來散居於第二區之魯堆第三區之吾竹腊早古東南三堤各處高山生性野悍共有一百二十

二戶男女六百五十一口
苗族自光緒年間始由金沙江西麓江為地遷來居於吾寧鄉半
山生性沉默剛勇共有七十四戶男女四百二十二口
人口比較表



綜計全縣七種民族共六千三百五十九戶男女三萬一千九百
二十四口又加紅黃兩教喇嘛寺四座共喇嘛一千二百五十三
口總共僧俗男女三萬三千一百七十七口以全縣面積二萬二
千餘方里比較大約每二方里之面積以內可以支配三人即每
一人可以佔地面二萬一千六百方丈人口密度比較任何處均
為最稀復因一二四五各區均屬高寒地帶且各族民家生活不
能調融是以漢回摩些力些獐獍苗子各族人口實佔全縣人口
百分之七十五而所居地面又僅佔全縣地面百分之四十左右
藏族人口僅佔全縣人口百分之二十五而其所居地面又佔全
縣地面百分之六十以上第一二四五各區與第三區之氣候物
產及藏族人民與漢回摩些力些獐獍苗子各族人民之生產力
量於此亦可見矣